

www.BibleForChildren.org

Matiu 1




Irisavetiva nraaqiara tuaga huvaro 6 tora nritarovaro
Kotiva qaiqaa Keviriarira titovaro mwiva Nasareti
mwatukya Karirini tumu ntora. Keviriariva Iosepira
tito nraakyera qaraakya nraakye mwakyaakya timwa
mwinrenro tumunrama. Iosepira okyara varirerata
Ntevitira nai haivaqara kuaa okyara varurama.
Iosepira tito nraakyera nrutu Mariaava.




Mwita tuvaro Kotiva titova tiqaro,
Mariaao, hia aatu hiante. Kotiva iara
qamwateqaro variho. E riante.
E nraaqiara tuaqa hira qoraisi
nraaqiara mwata tera mwia
nrutu nteqara Iesusirave
qiante. Mwiva nronra tuero
nronra vaisima variananrove.
Mwianrama Kotiva nai virini
nyaamwuni varira mwia mwaaquve
tivarave.



Nronravanto Kotiva Ntevitiva nai
haivaqava ntaqikyiani kyaiqara mwia
mwianinrave. I nraaqiaravanto
Iaikopura okyaraqaama ekyaa
enta ekyaa enta
ntaqikyianinrave. Mwiva
ntaqikyiani kyaiqava hia
taiqaaninrave, tiro.



Keviriariva mwitaa tuvaro Mariaava
mwia kyapara hiro tiqaro, Nataama
kyerove mwitaa hiananrove? Hia
nte qoraisi varauvave, tiro.



Mariaava mwitaa tuvaro Kotiva
titova timwa mwinro tiqaro, Kotira
mwanraquravanto ivata variraro
Kotira pegavanto i ntumwaqu
taaninrave. E mwata terava
Kotira kyaiqa nraahu
varaari vaisiva
varirata
mwianra Kotira
mwaaquve
tivarave, tiro.



Kotiva tito vaisiva tumu ntantero vuvaro
Mariaava qamwanrama kyero siviro Iutiaani
mwatukya mpo taqiqi vahuraqi Irisavetira
timwa mwinrenro vurama.
Vuva uro Sekaraiaara
nraamwuqi vera ntero
Irisavetira qua
mwantora.



Qua mwante varuvaro Irisavetira
vikyokyaqitairo nraaqiaravanto qakya
huvaro Kotira mwanraquravanto
Irisavetira kepukyaqama
kyero kyaahaqa huvaro
Irisavetiva aakyaara
ntero tiqaro, Airi
nraakye variavaro
Kotiva i nraahuma
kyugema mwataiho.
E mwata tena
nraaqiararavata
Kotiva kyugema
mwataarive.



Iesusi Karaisira mwatato okyarava mwataamama
vahiro. Mwia nronra Mariaara
Iosepira qati titovaro hia
mwikyantiri nrohu vakya
Mariaava taqovaro Kotira
mwanraquravanto mwia
nraaqiara mwuvaro
mwiva nraaqiara
tuaqama vura.



Mwiva nraaqiara tuaqama viro varuvaro mwia
vaativanto Iosepiva kyuge
vaisi ntapihi kyero nrohi
varu vaisiva variqarora tiro,
mwiva tiqaro, Nte nraakye
qora suqaa Mariaara
titaariro
kyauruankyorave.
Kyai mwia uqeta
kyena titaariro
quarive, tiro.



Iosepiva mwitaama riero vaitero ruvaata taqe
varuvaro Kotiva tito vaisiva, nyaamwunyaava mpovanto
govarama viro tiqaro, Ntevitira mwaaquo,
Iosepio, hia aatu hiqara Mariaara
varaante. Kotira mwanraqura mwiva
nraahu mwia nraaqiara mwiharo mwiva
nraaqiara tuaqama viho.



I nraatavanto qoraisi nraaqiara mwata tairara e mwia nrutu nteqarama Iesusirave qiante. Iesusiva nraakye qora kyaahaqama nyatero mwihua uaqia hi kyaiqara uti quara nruka nyatero mwihua huvantu kyaaninranra tira, e mwia nrutu nteqara Iesusirave qiante, tura.



Iosepiva vaitoraqitairo siviro mwiva Kotiva tito
vaisiva tu quara riero mwiva tunte hiro Mariaara uro
varatero varurama. Mwiva hia Mariaaravata
nrohuvato Mariaava qati variqiro viro
uro qoraisi nraaqiara mwata tovaro
Iosepiva mwia nrutu nteqaro,
Iesusivave, tura.



Mwi entara Romeni mwatanaahua vunyaa vaisivanto
Sisa Okasitaasiva taakisi vararera hiro tiqaro,
Ekyaa mpo mwatanaa mpo
mwatanaa nrutu vataate,
tiro. Mwitaa tuvata ekyaa
nraakye qora
nkyiari



mwaatani nrutu
vatarerata nrumu ntategata vurama.



Sairiniaasiva Siriaa mwataqaa ntaqikyu entara mwihua nrutu vatorama. Nrutu varo okyarara mwi entara tohara kyeta varora.



Nraakye qora nkyiari nyutu vatarerata vuvaro
Iosepivavata Nasaretisairo siviro nai tito nraakyaera
Mariaaravata vita varero
Kariri mwata kyero uro
Ntevitira
mwatukya
Vetarahemini



Iutaa mwatani nrutu vatarero vurama.



Iosepiva nai haivaqara Ntevitira okyaravantora
tiro, mwini vurama. Iosepiva Mariaara vita varero
vuvaro Mariaava nraaqiara
tuaqama vuva airi tora
nraatara kyero
mwiva nraaqiara



mwataari entava
qaumaqa huvaro mwiva
Iosepikyantiri Vetarahemini uro ntora.



Uro nte taqovata airi
nraakye qora nrutu
vatarerata nrumu
variqatama ekyaa
nraamwu piqa kyovaro
Mariaava
purimakauvanto
kyara nro



... nraamwunraqi
variqaro qoraisi
nraaqiara mwia nraamwu
nraaqiara mwata
kyero, ...



... mwia qapuqama kyero purimakauvanto kyara nro
tanunraqi mwaati mwata tora.



Mariaava nraaqiara mwata tovata entaqi vaisi
mponramwu mwi mwataraqaa mwukyau vahunani
variqata mwihua sipisipiqaa ntaqiky
varura.



Mwiqui varuvaro Kotiva nyaamwunyaa vaisi titova
mpovanto qamwanrama mwihua suqaa qovarama
vuvaro Kotira kepukya inraikyavanto
nronraqama kyero iteqaro

ntuvaache
varuvata
sipisipiqa
ntaqikiyi
varuhua

taqeta
nronraqama kyeta
aatu hi varura.



Aatu hi varuvaro Kotiva tito vaisiva mwihua timwa
nyinro tiqaro, Hia aatu hiate. Nte nkyi kyuge
mwakyaakya timwa nyinrenrana
tumuqo. Mwi mwakyaakya

ekyaa
nraakye
qora rieta

qamwateqatama
varivarave.



Mate nkyi haivaqara Ntevitira mwatukyaqi nraaqiara
mpo mwata taiho. Mwiva nkyi kyaahaqa hiarivave.
Mwiva nronravanto Kotiva titai
nraaqiaravave.



Ni quara gutaave tirerata nkye vita uro taqaivaro
mwi nraaqiarara mwata kyero qapuqama
kyero purimakauvanto kyara nre vari
tanunraqi mwaati mwata

tairaro
vaite
varianinrama
taqavarave,
tiro.



Kotiva titova mwitaa tuvata gamwanrama
nyaamwunyaahua ntaqi varuhua airivanto
govarama vita variqata Kotira nrutu
tuaahereta



tiqata, Kotiva
nai virini
varivave.



Tire mwia nrutu tuaahere varuro. Mwatani
Kotiva gamwata nyate vari vaisihua
mwaateraqama variate, tita.



Mwihua mwitaa timwa kyetama nyaamwuni tumu
ntanteta vuvata sipisipiqaa ntaqikyu vaisihua nai
timwa mwi nai timwa mwi hita tiqata, Nrivagenramwu
Vetarahemini nronravanto qua timwa timwinra
uro. taqaare, tita.



Mwita timwa kyeta mwihua hianteta
vura. Nrumu taqovaro Iosepiva
Mariaakyantiri varuvaro nraaqiaravanto
purimakauvanto kyara nro tanunraqi
vaite varura.



Sipisipiqa ntaqikyu vaisihua uro mwia
taqeta tiqatama, Kotiva nyaamwunyaa
vaisi titaiva mwaa nraaqiarara mwitaa
mwitaamama timwa timwiho, tita.



Herotiva
nronraqama viro
varu entara Mariaava
Vetarahemini Iutia
mwataqaa variqaro
Iesusira
mwata

tero. Mwiva mwia
mwata tero varuvata vaisi
mponramwuvanto mpo okyara
mpo okyara taqo vaisinramwuhua
huari nri ntora vevasaita
Ierusaremini nri ntora.



Mwinramwuhua nri
nteta kyapara
hita tiqata,
Nraaqiara mpo
Iutaaga
ntaqikyiani

vaisira tanave
mwata taiharo variho?
Tirenramwu huari nri ntainani
variqata mwia qovora taqeta
mwia nrutu tuaaherarera
nrunrahuave, tita.



Mwihua mwitaa tuvaro
Herotiva tugeta kyero mpo
okyara mpo okyara taqo
vaisinramwuhua nruhua
nyaanrama kyero tiqaro,
Taireve qovora mwiva
qovarama viho? tiro.



Mwita tuvata mwinramwuhua
Herotira timwa mwuvaro
riero mwiva mwinramwuhua
Vetarahemini sitero
tiqaro, Nkyenramwu
uqinrakye mwi nraaqiarara
puaa hirerata quate.
Nkyenramwu mwia puama
kye taqetama vaakyama
nivata nrumu timwa mpivaqe
ntevata uro
nraaqiara
mwia nrutu
tuaahera



mwataankye,
tiro.



Herotiva mwitaa tuvata mwihua aanraqaa vi varuvaro
qovoravanto vaakya mwihua huarivanto nri ntonani
variqata taqova mwihua vuni mwiva
nraante vuva uro nraaqiara
mwiva varuraqa ra kyero
mwiaqa vahura.



Mwinramwuhua nraamwuqi vera nteta taqovaro
nraaqiara mwiva nai nronra Mariaakyantiri varuvata



mwhua taqetama mwatasata tori
kyauru ravi variqata mwia nrutu
tuaahereqatama mwia qamwata
mwateta. Mwhua qamwata
mwateta
mwiqaataita mpo
inraikya mpo
inraikya tuaqitai
ohi kyeta koriqo ...



... ututo inraikyarave, munra kyuge mwunta quani inraikyarave, vahamwenra kyugerave, ohi kyeta mwatora. Mwia mwi kyeta varita vaite



varuvaro Kotiva ruvaatakyaa mwhua timwa nyinro tiqaro, Hia Herotira uro timwa



mwiate, tuvata mwhua sivita mpo aanraqaamateta nkyiari mwaatanianra nrumu ntanteta vurama.



Mwihua vuvaro Iosepiva vaite
varuvaro Kotiva tito vaisiva
govarama viro ruvaatakya
mwia timwa mwinro tiqaro,
Sivira ena nrahesi
nraaqiaravata sitera
Isipini aatu quante.
Mwini uro variraqe nte
qakyo uro mponanre
qianinra riaante.

Herotiva i
nraaqiara puaama kyero
ru kyarero uti variho, tiro.



Mwita tuvaro Iosepiva
siviro entaqi nraahu nai
nraaqiaravata nai nraatavata
sita varero Isipinianra vuva
uro mwini variqiro vi
varuvaro Herotiva qutu
vurama.




Herotiva qutu vuvaro
mwiagaatairo haaru Kotira
qua govarama kye varu
vaisiva tu quava qutaa
vahurama. Haaru mwiva
Kotiva mwataama tiho
tiro: Nte Isipisaina
ntena maaqu
nraanraanrinro
mwiva

nriananrove, tura.





Herotiva variqaro taqovata
huari vu nri ntonanyaa
vaisinramwu mwia qua
nteqakye hia mwia timwa
mwinraitita, vuvaro mwia
mpoqama kyero raraqa
tovaro variqaro uro mpo hu



vaisihua
sitero
tiqaro,
....




. . . Ekyaa qoraisi nraaqiara
taara ihi varaahuave, hia
taara ihi varaahuave,
Vetarahemini variahuavata,
mwia vara ututu variahuavata,
ekyaa ru taiqa kyaate, tiro.



Mwiva qovoravanto qovarama
vu entara huari vu nri
ntonanyaahua timwa mwito
quara rieqaro taara ihi
varehuavata, hia taara ihi
varehuavata, ru taiqa
kyaate, tura.





Herotiva variro qutu
vuvaro Iosepiva Isipini
varuvaro Kotiva titova
qaiqaa qovarama viro
Iosepira ruvaatakyaa timwa
mwinro tiqaro, Sivira
nraaqiaravata, mwia
nronravata, sita varera
Isareri mwata Iutiaani
nrumu

ntantera quante. I
nraaqiara ru kyarera
hiahua qutu quavo, tiro.



Mwiva mwiniandra viqaro riovaro Akerausiva nai
gora Herotira mwaata
varero Iutiaqaa
ntaqiky i varuvaro
Iosepiva mwini
quaro
tiro



aatuma kyero
varuvaro Kotiva ruvaatakya qaiqaa
timwa mwuvaro mwiva hia Iutiaani
virairo qaqira kyero Karirini uro mwatukya mpo
Nasaretini nai nrahesi nraaqiaravata varura.



Nasaretini uro
varuvaro haaru
Kotiva nai poropeti
vaisinramwu nroqitairo
tu quava qutaa
vahiro.

Mwi
quava Iesusirara
mwataama tiro: Nraakye
qoravanto mwianra Nasaretinyaa
vaisive tivarave, tura.



Kotiva
mwatani
variahuara

mpoqama kyero mwutukya ntiharora
tiro, mwiva nai mwaaqu kuaigia vataira
tiri timwinra. Mwitaa hirara tita,
nraakye qoravanto mwia mwaaquara
qutaa mwivave tihua hia qutu
viraitita, mwihua ekyaa
enta ekyaa enta
qati variqi
vivara.



Romeni 3:23 Tire ekyaahua Kotira qua nteqa kyeta hia qioqa hunanranra tita, tire hiamu qio uro Kotiva kepukyavanto varinani variarahua varita.

Romeni 6:23 Uaqia hi kyaiqava nai kyaiqa vaisi qutu quani kyoqaara mwihanro Kotiva Iesusi Karaisira tiri vunyaa vaisi kyaiqara rieqaro tiri qatiqama kyero ekya enta qati variqita quanana timwinrama.

Hivuru 9:27 Mwata mwaqa vari nraakye qorahua variqi vita kuaa nani nraahu qutu vita mwiaqaatai mwihua varivaro Kotiva mwihua quaqaa vateroma ko qiananro.

Epesaasi 2:8,9 Nkye Karaisirara qutaave qiavaro Kotiva hia nkyi qaqira kyaraitiro, qatiqama kyero nkyi kyugema nyatairara tita, nkye Kotiva nkyi huvantu kyero sita taihuama varita. Hia nkyita kyaiqaqaara mwitaama nyataraitiro, Kotiva nkyiara kyuge hiqaro qatiqama kyero nkyi huvantu nyatairama.



Romeni 10:9,10 Nkye nkyeta nroqitai tiqata, Qutaama Iesusiva vunyaa vaisivanto variho, tita nkye nkyeta vu nraato mwutukyaqitai tiqata, Qutaama Iesusira qutu vuraqitairo Kotiva mwia qati vara sivuma kyaiharo qati variho, tivera, Kotiva mwianra rieqaroma nkyi huvantu kyero sitaananrove.

Tire vu nraato mwutukyaqitai qutaave qiararo Kotiva tiri avuqavuma timwa taananro. Tire mwi quara nroqitaita qiararo Kotiva tiri huvantu kyero tivi taananro.

Ioni 3:16,17 Kotiva mwatani variahuara mpogama kyero mwutukya ntiharora tiro, mwiva nai mwaaqu kuaigia vataira tiri timwinra. Mwitaa hirara tita, nraakye qoravanto mwia mwaaquara qutaa mwivave tihua hia qutu viraitita, mwihua ekyaa enta ekyaa enta qati variqi vivara.



Kotiva hia nai mwaaqu ko rias vaisihua votima kyero
variqaro nraakye qora tukya hiarive tiro mwatani
titaiharo tuminrave. Mwiva nraakye qora sitaarive tiro,
Kotiva mwia titaiharo tuminrave.

1 Ioni 5:11-13 Kotiva timwa tai quava mwataamama
vahiro: Tiriara mwihua ekyaa enta kyugema kyeta qati
variqita quate tiro, Kotiva nai mwaaqu tiri timwinra. Qati
variqita vi okyarava nai mwaaquqi vahirara tiro,

Kotira mwaaquntiri variqiro quariva qati variqiro
quananro. Hia Kotira mwaaquntiri variqiro quariva hiam
qati variqiro quanar.

Nte nkye Kotira mwaaquara qutaa mwivave qia nraakye
qorahuani qara ntumwa nyatauqo. Nkye nkyeta ekyaa
enta qati variqita vi okyarara ntapihiate tina, nte mwaa
quara nkyini qara ntumwa nyatauqo.



Matiu 1-2; Ruku 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Tairora South NT (omw) © 2000, Wycliffe Bible
Translators, Inc. All rights reserved.

<https://www.bible.com/bible/1188/MAT.1.OMW>

©2025 Bible for Children, Inc.

www.M1914.org

www.bibleforchildren.org

